

7-126
3

中國歷代經籍典

江苏工业学院图书馆
藏书章

江苏
廣陵古籍刻印社

6

中国历代经籍典 第六册目录

第三百四十六卷 经学部传经名儒列传二十…… 一六九六

第三百四十七卷 经学部传经名儒列传二十一…… 一七〇〇

第三百四十八卷 经学部传经名儒列传二十二…… 一七〇四

第三百四十九卷 经学部传经名儒列传二十三…… 一七〇八

第三百五十卷 经学部传经名儒列传二十四…… 一七一二

第三百五十一卷 经学部传经名儒列传二十五…… 一七一八

第三百五十二卷 经学部传经名儒列传二十六…… 一七二五

第三百五十三卷 经学部传经名儒列传二十七…… 一七三〇

第三百五十四卷 经学部传经名儒列传二十八…… 一七三五

第三百五十五卷 经学部传经名儒列传二十九…… 一七四二

第三百五十六卷 经学部传经名儒列传三十…… 一七四六

第三百五十七卷 经学部传经名儒列传三十一…… 一七五〇

第三百五十八卷 经学部传经名儒列传三十二…… 一七五五

第三百五十九卷 经学部传经名儒列传三十三…… 一七五九

第三百六十卷 经学部传经名儒列传三十四…… 一七六四

第三百六十一卷 经学部艺文一…… 一七六八

第三百六十二卷 经学部艺文二…… 一七七四

第三百六十三卷 经学部纪事一…… 一七七九

第三百六十四卷 经学部纪事二…… 一七八四

第三百六十五卷	经学部纪事三……………	一七八七
第三百六十六卷	经学部杂录……………	一七九二
第三百六十六卷	经学部外编……………	一七九二
第三百六十七卷	瀛纬部汇考一……………	一七九七
第三百六十七卷	瀛纬部汇考二……………	一七九七
第三百六十七卷	瀛纬部总论……………	一七九七
第三百六十七卷	瀛纬部艺文……………	一七九七
第三百六十七卷	瀛纬部纪事……………	一七九七
第三百六十七卷	瀛纬部杂录……………	一七九七
第三百六十八卷	国语部汇考一……………	一八〇二
第三百六十八卷	国语部汇考二……………	一八〇二
第三百六十八卷	国语部总论……………	一八〇二
第三百六十八卷	国语部总论二……………	一八〇二
第三百六十九卷	国语部总论三……………	一八〇六
第三百六十九卷	国语部艺文……………	一八〇六
第三百六十九卷	国语部纪事……………	一八〇六

第三百六十九卷	国语部杂录……………	一八〇六
第三百七十卷	战国策部汇考一……………	一八一〇
第三百七十卷	战国策部汇考二……………	一八一〇
第三百七十卷	战国策部汇考三……………	一八一〇
第三百七十卷	战国策部总论……………	一八一〇
第三百七十卷	战国策部艺文……………	一八一〇
第三百七十卷	战国策部纪事……………	一八一〇
第三百七十卷	战国策部杂录……………	一八一〇
第三百七十一卷	史记部汇考一……………	一八一四
第三百七十一卷	史记部汇考二……………	一八一四
第三百七十二卷	史记部汇考三……………	一八一八
第三百七十二卷	史记部汇考四……………	一八一八
第三百七十二卷	史记部总论……………	一八一八
第三百七十三卷	史记部艺文一……………	一八二五
第三百七十三卷	史记部艺文二……………	一八二五
第三百七十四卷	史记部纪事……………	一八二九
第三百七十四卷	史记部杂录……………	一八二九

第三百七十五卷	汉书部汇考一·····	一八三五
第三百七十五卷	汉书部汇考二·····	一八三五
第三百七十五卷	汉书部汇考三·····	一八三五
第三百七十五卷	汉书部汇考四·····	一八三五
第三百七十六卷	汉书部总论·····	一八四二
第三百七十七卷	汉书部艺文一·····	一八四六
第三百七十七卷	汉书部艺文二·····	一八四六
第三百七十七卷	汉书部纪事·····	一八四六
第三百七十七卷	汉书部杂录一·····	一八四六
第三百七十八卷	汉书部杂录二·····	一八五三
第三百七十九卷	后汉书部汇考一·····	一八五八
第三百七十九卷	后汉书部汇考二·····	一八五八
第三百七十九卷	后汉书部汇考三·····	一八五八
第三百七十九卷	后汉书部总论·····	一八五八
第三百八十卷	后汉书部艺文一·····	一八六二
第三百八十卷	后汉书部艺文二·····	一八六二
第三百八十卷	后汉书部纪事·····	一八六二

第三百八十卷	后汉书部杂录·····	一八六二
第三百八十一卷	三国志部汇考一·····	一八六八
第三百八十一卷	三国志部汇考二·····	一八六八
第三百八十一卷	三国志部总论·····	一八六八
第三百八十一卷	三国志部艺文一·····	一八六八
第三百八十一卷	三国志部艺文二·····	一八六八
第三百八十一卷	三国志部纪事·····	一八六八
第三百八十二卷	三国志部杂录·····	一八六八
第三百八十二卷	晋书部汇考一·····	一八七三
第三百八十二卷	晋书部汇考二·····	一八七三
第三百八十二卷	晋书部总论·····	一八七三
第三百八十二卷	晋书部艺文一·····	一八七三
第三百八十二卷	晋书部艺文二·····	一八七三
第三百八十二卷	晋书部纪事·····	一八七三
第三百八十二卷	晋书部杂录·····	一八七三
第三百八十三卷	宋书部汇考一·····	一八七九
第三百八十三卷	宋书部汇考二·····	一八七九

第三百八十三卷	宋书部汇考三……………	一八七九
第三百八十三卷	宋书部总论……………	一八七九
第三百八十三卷	宋书部艺文……………	一八七九
第三百八十三卷	宋书部纪事……………	一八七九
第三百八十三卷	宋书部杂录……………	一八七九
第三百八十三卷	南齐书部总论……………	一八七九
第三百八十三卷	南齐书部纪事……………	一八七九
第三百八十三卷	南齐书部杂录……………	一八七九
第三百八十四卷	梁书部汇考一……………	一八八四
第三百八十四卷	梁书部汇考二……………	一八八四
第三百八十四卷	梁书部汇考三……………	一八八四
第三百八十四卷	梁书部总论……………	一八八四
第三百八十四卷	梁书部纪事……………	一八八四
第三百八十四卷	梁书部杂录……………	一八八四
第三百八十四卷	陈书部汇考一……………	一八八四
第三百八十四卷	陈书部汇考二……………	一八八四
第三百八十四卷	陈书部汇考三……………	一八八四

第三百八十四卷	陈书部总论……………	一八八四
第三百八十四卷	陈书部纪事……………	一八八四
第三百八十五卷	北魏书部汇考一……………	一八八九
第三百八十五卷	北魏书部汇考二……………	一八八九
第三百八十五卷	北魏书部汇考三……………	一八八九
第三百八十五卷	北魏书部总论……………	一八八九
第三百八十五卷	北魏书部艺文……………	一八八九
第三百八十五卷	北魏书部纪事……………	一八八九
第三百八十五卷	北魏书部杂录……………	一八八九
第三百八十六卷	北齐书部汇考一……………	一八九六
第三百八十六卷	北齐书部汇考二……………	一八九六
第三百八十六卷	北齐书部纪事……………	一八九六
第三百八十六卷	北齐书部总论……………	一八九六
第三百八十六卷	北齐书部艺文……………	一八九六
第三百八十六卷	北齐书部纪事……………	一八九六
第三百八十六卷	北齐书部杂录……………	一八九六

第三百八十六卷	南北史部汇考一……………	一八九六
第三百八十六卷	南北史部汇考二……………	一八九六
第三百八十六卷	南北史部杂录……………	一八九六
第三百八十六卷	隋书部汇考一……………	一八九六
第三百八十六卷	隋书部汇考二……………	一八九六
第三百八十六卷	隋书部汇考三……………	一八九六
第三百八十六卷	隋书部总论……………	一八九六
第三百八十六卷	隋书部艺文……………	一八九六
第三百八十六卷	隋书部纪事……………	一八九六
第三百八十六卷	隋书部杂录……………	一八九六
第三百八十七卷	唐书部汇考一……………	一九〇四
第三百八十七卷	唐书部汇考二……………	一九〇四
第三百八十七卷	唐书部汇考三……………	一九〇四
第三百八十八卷	唐书部总论……………	一九一二
第三百八十八卷	唐书部艺文一……………	一九一二
第三百八十八卷	唐书部汇考二……………	一九一二
第三百八十九卷	唐书部纪事……………	一九一九

第三百八十九卷	唐书部杂录……………	一九一九
第三百九十卷	五代史部汇考一……………	一九二八
第三百九十卷	五代史部汇考二……………	一九二八
第三百九十卷	五代史部汇考三……………	一九二八
第三百九十卷	五代史部总论……………	一九二八
第三百九十卷	五代史部艺文……………	一九二八
第三百九十卷	五代史部纪事……………	一九二八
第三百九十卷	五代史部杂录……………	一九二八
第三百九十卷	辽史部汇考一……………	一九二八
第三百九十卷	辽史部汇考二……………	一九二八
第三百九十卷	辽史部艺文……………	一九二八
第三百九十卷	辽史部纪事……………	一九二八
第三百九十卷	辽史部杂录……………	一九二八
第三百九十一卷	宋史部汇考一……………	一九三六
第三百九十二卷	宋史部汇考二……………	一九四〇
第三百九十二卷	宋史部汇考三……………	一九四〇
第三百九十二卷	宋史部汇考四……………	一九四〇

第三百九十三卷	宋史部总论……………	一九四五
第三百九十四卷	宋史部艺文一……………	一九四九
第三百九十四卷	宋史部艺文二……………	一九四九
第三百九十四卷	宋史部纪事……………	一九四九
第三百九十四卷	宋史部杂录……………	一九四九
第三百九十五卷	金史部汇考一……………	一九五五
第三百九十五卷	金史部汇考二……………	一九五五
第三百九十五卷	金史部总论……………	一九五五
第三百九十五卷	金史部艺文一……………	一九五五
第三百九十五卷	金史部艺文二……………	一九五五
第三百九十五卷	金史部杂录……………	一九五五
第三百九十五卷	辽金宋三史部汇考一……………	一九五五
第三百九十五卷	辽金宋三史部汇考二……………	一九五五
第三百九十五卷	辽金宋三史部总论……………	一九五五
第三百九十五卷	辽金宋三史部艺文……………	一九五五

第三百九十五卷	辽金宋三史部纪事……………	一九五五
第三百九十五卷	辽金宋三史部杂录……………	一九五五
第三百九十六卷	元史部汇考一……………	一九六〇
第三百九十六卷	元史部汇考二……………	一九六〇
第三百九十六卷	元史部艺文一……………	一九六〇
第三百九十六卷	元史部艺文二……………	一九六〇
第三百九十六卷	元史部纪事……………	一九六〇
第三百九十六卷	元史部杂录……………	一九六〇
第三百九十七卷	明史部汇考一……………	一九六五
第三百九十七卷	明史部汇考二……………	一九六五
第三百九十七卷	明史部总论……………	一九六五
第三百九十七卷	明史部艺文一……………	一九七三
第三百九十八卷	明史部艺文二……………	一九七三
第三百九十八卷	明史部纪事……………	一九七三
第三百九十八卷	明史部杂录……………	一九七三
第三百九十九卷	通鉴部汇考一……………	一九七六
第三百九十九卷	通鉴部汇考二……………	一九七六

第三百九十九卷 通鑑部总论一……………一九七六

第四百卷 通鑑部总论二……………一九八三

第四百一卷 通鑑部论三……………一九八九

第四百二卷 通鑑部论四……………一九九六

第四百三卷 通鑑部艺文……………二〇〇四

第四百三卷 通鑑部纪事……………二〇〇四

第四百三卷 通鑑部杂录……………二〇〇四

第四百四卷 纲目部汇考一……………二〇一〇

第四百四卷 纲目部汇考二……………二〇一〇

第四百四卷 纲目部汇考三……………二〇一〇

第四百四卷 纲目部总论……………二〇一〇

第四百四卷 纲目部纪事……………二〇一〇

第四百四卷 纲目部杂录……………二〇一〇

第四百五卷 史学部汇考一……………二〇一六

第四百六卷 史学部汇考二……………二〇一九

第四百七卷 史学部汇考三……………二〇二六

第四百八卷 史学部汇考四……………二〇三一

第四百九卷 史学部汇考五……………二〇三七

第四百十卷 史学部汇考六……………二〇四一

第四百十一卷 史学部汇考七……………二〇四七

第四百十二卷 史学部汇考八……………二〇五三

第四百十三卷 史学部汇考九……………二〇五九

元古

第三百四十六卷目錄

經籍典

經學部傳經名儒列傳二十

宋二

孫崇義

邢曷

孫夷

王昭素

孔維

孔宜

崔頌

尹拙

田敏

辛文悅

李覺

崔頤正

崔偃佺

經籍典第三百四十六卷

經學部傳經名儒列傳二十

宋二

一 孫崇義

按宋史儒林孫崇義傳崇義河南洛陽人少舉三禮善禮學通經旨漢乾祐中累官至國子禮記博士校定公羊春秋刊板於國學周顯德中累遷國子司業兼太常博士先是世宗以郊廟祭器止由有司相承製造年代浸久無所規式乃命崇義檢討筆畫以聞

四年崇義上之乃命有司別造焉五年將禘於太廟言事者以宗廟無祧室不當行禘祫之禮崇義援引故事上言其略曰魏明帝以景初三年正月上僊至五年二月祫祭明年又禘自茲後以五年為禘且魏以武帝為太祖至明帝始三帝未有毀主而行禘祫其證一也宋文帝元嘉六年祠部定十月三日大祠其太廟博士議云案禘祫之禮三年一五年再宋高祖至文帝裁亦三帝未有毀主而行禘祫其證二也梁武帝用謝廣議三年一禘五年一祫謂之大祭禘祭以夏祫祭以冬且梁武乃受命之君裁追尊四朝而行禘祫則知祭者是追養之道以時移節變孝子感而思親故薦以首時祭以仲月間以禘祫序以昭穆乃禮之經也非關宗廟備與未備其證三也終從崇義之議未幾世宗詔崇義參定郊廟祭玉又詔翰林學士賈儼統領之崇義因取三禮圖再加考正建隆三年四月表上之儼為序太祖覽而嘉之詔曰禮器禮圖相承傳用寔歷年祀寧免差違孫崇義典事國庠服膺儒業討尋故實刊正疑訛奉職效官有足嘉者崇義宜量與酬獎所進三禮圖宜令太子詹事尹拙集儒學三五人更同參議所冀精詳苟有異同善為商確五月賜崇義紫袍犀帶銀器絹帛以獎之拙多所駁正崇義復引經以釋之悉以下工部尚書賈儼傳之裁定儀上奏曰伏以聖人制禮垂之無窮儒者據經所傳或異年紀遠圖繪缺然跡駁彌深丹青靡接孫崇義研求師說耽味禮經較於舊圖良有新意尹拙受承制旨能罄所聞尹拙駁議及孫崇義答義各四卷臣再加詳閱隨而裁置率用增損列

於注釋其分為十五卷以聞詔頒行之拙崇義復陳祭玉鼎金異同之說詔下中書省集議吏部尚書張昭等奏議曰按孫崇義稱祭玉蒼璧九寸圓好祭地黃琮八寸無好圭璋城並長九寸自言周顯德三年與田敏等按周官玉人之職及阮譔鄭元舊圖載其制度臣等按周禮玉人之職只有璧琮九寸琮琕八寸及璧琕度尺好三寸以為度之文即無蒼璧黃琮之制兼引注有爾雅肉倍好之說此即是注璧琕度之文又非蒼璧之制又詳鄭元自注周禮不載尺寸豈復別作畫圖違經立異四部書目內有三禮圖十二卷是隋開皇中勅禮官修撰其圖第一第二題云梁氏第十後題云鄭氏又稱不知梁氏鄭氏名位所出今書府有三禮圖亦題梁氏鄭氏不言各位既後有梁正者集前代圖記更加詳議題三禮圖曰陳甯阮士信受禮學於潁川蔡邕其說為圖三卷多不按禮文而引漢事與鄭君之文違錯正附為二卷其阮士信即譔也如梁正之言可知譔之訛謬兼三卷禮圖刪為二卷應在今禮圖之內亦無改祭玉之說臣等參詳自周公制禮之後叔孫通重定以來禮有緯書漢代諸儒頗多著述討尋祭玉並無尺寸之說魏晉之後鄭元王肅之學各有生徒三禮六經無不論說檢其書亦不言祭玉尺寸臣等參驗畫圖本書周公所說正經不言尺寸設使後人謬為之說安得便入周圖知崇義等以諸侯入朝獻天子夫人之琮璧以為祭玉又配合漢度肉好之言張為尺寸古今大禮順非改作於理未通又據尹拙所述禮神之六玉稱取梁桂州刺史崔靈思所撰三禮義宗內具

天及五精帝圭璧琮璜皆長尺二寸以法十二時祭地之琮長十寸以倣地之數又引白虎通云方中圓外曰璧圓中方外曰琮崇義非之以爲靈恩非周公之才無周公之位一朝撰述便補六玉闕文尤不合禮臣等竊以劉向之論洪範王通之作元經非必擬聖人之姿而居上公之位有益於教不爲裴然臣等以靈思所撰之書事稽古訓祭玉以十二爲數者蓋天有十二地有十二辰日有十二時封山之玉牒十二寸圓丘之簠豆十二列天子以鎮圭外守宗后以大琮內守皆長尺有二寸又祿圭尺二寸王者以祀宗廟若人君親行之郊祭登壇酌獻服大裘搢大圭行稽顙而手秉尺二之圭神獻九寸之璧不及禮宗廟祿圭之數父天母地情亦奚安則靈恩議論理未爲失所以自義宗之出歷梁陳隋唐垂四百年言禮者引爲師法今五禮精義開元禮郊祀錄皆引義宗爲標準近代晉漢兩朝仍依舊制周顯德中田敏等妄作穿鑿輒有更改自唐貞觀之後凡三次大修五禮並因隋朝典故或節奏繁簡之間稍有釐革亦無改祭玉之說伏望依白虎通義宗唐禮之制以爲定式又尹拙依舊圖畫金書崇義去釜書鑊臣等參詳舊圖皆有釜無鑊按易說卦云坤爲釜詩云惟鉶及釜又云甃之釜藉春秋傳云鉶釜之器禮記云燔黍捭豚解云古未有飯釜所以燔捭而祭即釜之爲用其來尚矣故入於禮圖今崇義以周官祭祀有省鼎鑊供鼎鑊又以儀禮有羊鑊家鑊之文乃云書釜不如書鑊今諸經皆載釜之用誠不可去又周儀禮皆有錢之文請兩圖之又若觀諸家祭祀之書今代

見行之禮於大祀前一日光祿卿省視鼎鑊伏請圖鑊於鼎下詔從之未幾崇義卒三禮圖遂行於世并書於國子監講堂之壁崇義爲學官兼掌禮僅二十年世推其該博郭忠恕嘗以其姓嘲之曰近貴全爲贖攀龍即作龔雖然三箇耳其奈不成聰崇義對曰僕不能爲詩聊以一聯奉答即云勿笑有三耳全勝畜二心蓋因其名以嘲之忠恕大慚人許其機捷而不失正真儒者之戲云

邢昺

按宋史儒林邢昺傳昺字叔明曹州濟陰人太平興國初舉五經廷試日召升殿講師比二卦又問以羣經發題太宗嘉其精博擢九經及第授大理評事知泰州鹽城監賜錢二十萬昺以是監處楚秦間秦僻左而楚會要鹽食爲急請改隸楚州從之明年召爲國子監丞專講學之任遷尚書博士出知儀州就轉國子博士代還賜緋選爲諸王府侍講雍熙中還水部員外郎改司勳端拱初賜金紫累遷金部郎中真宗即位改司勳郎中俄知審刑院以昺儒者不達刑章命劉元吉同領其事是冬昺上表自陳夙侍講諷遷右諫議大夫咸平初改國子祭酒二年始置翰林侍講學士以昺爲之受詔與杜鎬舒雅孫奭李慕清崔偓佺等校定周禮儀禮公羊穀梁春秋傳孝經論語爾雅義疏及成並加階勳俄爲淮南兩浙巡撫使初置講讀之職即於便坐令昺講左氏春秋侍讀預焉五年講畢宴近臣於崇政殿賜易製衣金帶加器幣仍遷工部侍郎兼國子祭酒學士如故知審官院陳恕丁內艱以昺權知院事景德二年上言亡兄素

嘗舉進士願需贈與特贈大理評事是夏上幸國子監閱庫書問昺經版幾何昺曰國初不及四千今十餘萬經傳正義皆具臣少從師業儒時經具有疏者百無一二蓋力不能傳寫今板本大備士庶家皆有之斯乃儒者逢辰之幸也上喜曰國家雖尚儒術非四方無事何以及此上又訪以學館故事未有振舉者昺不能有所建明先是印書所裁餘紙糴以供監中雜用昺請歸之三司以裨國用自是監學公費不給講官亦厭其寥落上方興起道術又令昺與張雍杜鎬孫奭舉經術該博德行端長者以廣學員三年加刑部侍郎昺居近職常多對一日從容與上語及京邸舊僚歎其淪喪始盡唯昺獨存翌日賜白金千兩且詔其妻至宮庭賜以冠帔四年昺以羸老親於趨步上前自陳曹州故鄉願給假一年歸視田里俟明年郊祀還朝上命坐慰勞之因謂曰便可權本州何須假邪昺又言楊孺夏侯嶠同爲府僚二臣沒皆贈尚書上憫之翌日謂宰相曰此可見其志矣即超拜工部尚書知曹州職如故入辭日賜製衣金帶是日特開龍圖閣召近臣宴崇和殿上作五七言詩二首賜之預宴者皆賦詩視壁間尚書禮記圖指中庸篇曰凡爲天下國家有九經因陳其大義上嘉納之及行又令近臣祖送設會於宜春苑大中祥符初上東封泰山昺表曹州民請車駕經由本州仍令濟陰令王範部送父老詣闕優詔答之俄召還車駕進發命判雷司御史臺禮畢進位禮部尚書上勤政惻農每雨雪不時憂形於色以昺素習田事多委曲訪之初田家祭陰晴豐凶多有狀候老農之相傳者率

有驗得采其說爲對又言民之災患大者有四一日疫二曰旱三曰水四曰畜災歲必有其一但或輕或重耳四事之害早曠爲甚蓋田無畝澮悉不可救所損必盡傳曰天災流行國家代有此之謂也三年被病請告詔大醫診視六月上親臨問疾賜名藥一

舊白金器千兩綉綵千匹國朝故事非宗戚將相無問疾臨喪之禮特有加於舅與郭贊者以恩舊故也未幾有旨命中書召其子太常博士知東明縣仲實國子博士知信陽軍若思還侍疾踰月卒年七十九贈左僕射三子並進秩初雍熙中曷撰禮選二十卷獻之太宗採其帙得文王世子篇觀之甚悅因問衛紹欽曰曷爲諸王講說會及此乎紹欽曰諸王常時訪曷經義曷每至發明君臣父子之道必重複陳之太宗益喜上嘗因內閣暴書覽而稱善召曷同觀作禮選贊賜之曷言家無遺業願得副本上許之繕錄未畢而曷卒亟詔寫二本一本賜其家一本俾置家中曷在東宮及內庭侍上講孝經禮記論語書易詩左氏傳據傳疏敷引之外多引時事爲喻深被嘉獎上嘗問管仲召忽皆事公子糾小白之入召忽死之管仲乃歸齊相桓公豈非召忽以忠死而管仲不能固其節爲臣之道當若是乎又鄭注禮記世子篇云文王以勤憂損壽武王以安樂延年朕以爲本經旨意必不然也且夏禹焦勞有元圭之賜而享國末年若文王能愛人之心不自暇逸縱無感應豈至虧損壽命邪各隨其事理以對先是咸平中王欽若知貢舉有告其受舉人賄賂者下御史臺鞠得狀欽若自訴詔曷與邊肅毋實古閣承翰就太常寺覆推曷力

辨欽若而洪湛抵罪欽若以是德之曷之厚被寵顧欽若與有功焉仲實貪狼不才舉止率易士大夫多鄙笑之欽若在中書用爲三司判官後至祠部郎中坐贓黜官卒若思終於駕部郎中

孫奭

按宋史儒林孫奭傳奭字宗古博川博平人幼與諸生師里中王微微死有從奭問經者奭爲解析微指人人驚服於是門人數百皆從奭後徙居須城九經及第爲官縣主簿上書願試講說遷大理評事爲國子監直講太宗幸國子監召奭講書至事不師古以克宋世匪說攸聞帝曰此至言也商宗乃得賢相如此邪因咨嗟久之賜五品服奭宗以爲諸王府侍讀會詔百官轉對奭上十事判太常禮院國子監司農寺累遷工部郎中擢龍圖閣待制奭以經術進守道自處即有所言未嘗阿附取悅大中祥符初得天書於左承天門帝將奉迎召宰相對崇政殿西廡王旦等曰天貺符命實盛德之應皆再拜稱萬歲又召問奭奭對曰臣愚所聞天何言哉豈有書也帝既事迎天書大赦改元布告其事於天下築玉清昭應宮是歲天書復降奉山帝以親受符命遂議封禪作禮樂王欽若陳堯叟丁謂杜鎬陳彭年皆以經義左右附和由是天下爭言符瑞矣四年又將祀汾陰是時大旱京師近郡殺踊貴輿上疏諫曰先王卜征五年歲習其祥祥習則行不習則增修德而改卜陛下始畢東封更議西幸殆非先王卜征五年慎重之意其不可一也夫汾陰后土事不經見昔漢武帝將封禪故先封中嶽祠汾陰始巡幸郡縣遂有事於泰山今陛

下既已登封復欲幸汾陰其不可二也古者圓丘方澤所以郊祀天地今南北郊是也漢初承秦雖立五時以祀天而后土無祀故武帝立祠於汾陰自元成以來從公卿之議遂徙汾陰后土於北郊後之王者多不祀汾陰今陛下已建北郊乃舍之而遠祀汾陰其不可三也西漢都雍去汾陰至近今陛下經重關越險阻輕棄京師根本而慕西漢之虛名其不可四也河東唐王業之所起也唐又都雍故明皇間幸河東因祠后土聖朝之典事與唐異而陛下無故欲祀汾陰其不可五也昔者周宣王遇災而懼故詩人美其中興以爲賢主比年以來水旱相繼陛下宜側身修德以答天譴豈宜下徇姦回遠勞民庶盤游不已忘社稷之大計其不可六也夫雷以二月啓蟄八月收聲育養萬物失時則爲異今震雷在冬爲異尤甚此天意丁寧以戒陛下而未悟殆失天意其不可七也夫民神之主也是以聖王先成民而後致力於神今國家土木之功累年未息水旱洊沴饑饉居多乃欲勞民事神神其享之乎此其不可八也陛下必欲爲此者不過效漢武帝唐明皇巡幸所至刻石頌功以崇虛名夸示後世爾陛下天資聖明當慕二帝三王何爲下襲漢唐之虛名其不可九也唐明皇以嬖寵姦邪內外交害身播國屯兵交關下亡亂之迹如此由徂於承平肆行非義稔致禍敗今議者引開元故事以爲盛烈乃欲倡導陛下而爲之臣竊爲陛下不取此其不可十也臣言不遠意陛下以臣言爲可取願少賜清問以畢臣說帝遣內侍皇甫繼明就問又上疏曰陛下將幸汾陰而京師民心弗寧江淮

之衆困於調發理須鎮安而存之且土木之功未
息而奪攘之盜公行外國治兵不遠邊境使者雖至
寧可保其心乎昔陳勝起於徭戍黃巢出於凶饑隋
煬帝勤遠略而唐高祖興於晉陽晉少主惑小人而
耶律德光長驅中國陛下俯從姦佞遠棄京師涉仍
歲存饑之墟修遠經久廢之祠不念民疲不恤邊患
安知今日戊卒無陳勝饑民無黃巢英雄將無窺伺
於肘腋外敵將無觀釁於邊陲乎先帝嘗議封禪寅
畏天災尋詔停寢今姦臣乃贊陛下力行東封以爲
繼成先志先帝嘗欲北平幽朔西取遼還大勳未集
用付陛下則羣臣未嘗獻一謀畫一策以佐陛下繼
先帝之志者反務卑辭重幣求和於契丹蹙國壓
姑息於遼還曾不思主辱臣死爲可戒誣下罔上爲
可羞撰造祥瑞假託鬼神繕畢東封便議西幸輕勞
車駕虐害饑民冀其無事往還便謂成大勳績是陛
下以祖宗艱難之業爲姦邪僥倖之資臣所以長嘆
而痛哭也夫天地神祇聰明正直作善降之百祥作
不善降之百殃未聞專事邊豆蠶蠶可邀福祥春秋
傳曰國之將興聽於民將亡聽於神愚臣非敢妄議
惟陛下終賜裁擇後天下數有災變又言古者五載
巡守有國之事爾非必有紫氣黃雲然後登封嘉禾
異草然後省方也今野鵲山鹿郡國交奏秋旱冬雷
羣臣率賀退而腹非竊笑者比比皆是執謂上天爲
可罔下民爲可愚後世爲可欺乎人情如此所損不
細惟陛下深鑒其妄六年又上疏曰陛下封泰山祀
汾陰躬謁陵寢今又將祠於太清宮外議籍籍以謂
陛下事事效唐明皇豈以明皇爲令德之主邪甚

不然也明皇禍敗之迹有足爲深戒者非獨臣能知
之近臣不言者此懷姦以事陛下也明皇之無道亦
無敢言者及奔至馬嵬軍士已誅楊國忠請矯詔之
罪乃始論以識理不明寄任失所當時雖有罪己之
言覺寤已晚何所及也臣願陛下早自覺寤抑損虛
華斥遠邪佞興土木不隳危亂之迹無爲明皇不
及之悔此天下之幸社稷之福也帝以爲封泰山祠
汾陰上陵祀老子非始於明皇開元禮今世所循用
不可以天寶之亂舉謂爲非也秦爲無道甚矣今官
名詔令郡縣猶襲秦舊豈以人而廢言乎作解疑論
以示羣臣然知與朴忠難其言切直容之而弗斥久
之以父老請歸田里不許以知密州居二年遷左諫
議大夫罷待制還糾察在京刑獄是時初置天慶天
祺天貺先天降聖節天下設齋醮張燕費甚廣吏又
請裁省浮用不報復出知河陽又求解官就養還給
事中徙兗州天禧中朱能獻乾祐天書復上疏曰朱
能者姦僞小人妄言祥瑞而陛下崇信之屈至尊以
迎拜歸祕殿以奉安上自朝廷下及閭巷靡不痛心
疾首反脣腹非而無敢言者皆漢文成將軍以帛書
飯牛旣而牛腹中有奇書殺視得書天子識其手
迹又有五利將軍妄言方多不錄二人皆坐誅先帝
時有侯莫陳利用者以方術暴得寵用一旦發其姦
誅於鄴州漢武可謂雄材先帝可謂英斷唐明皇得
靈寶符上清護國經寶券等皆王鉉田同秀等所爲
明皇不能顯戮休於邪說自謂德實動天神必福我
夫老君聖人也儻實降語固宜不妄而唐自安史亂
離棄輿播越兩都邊覆四海沸騰豈天下太平乎明

皇雖僅得歸闕復爲李輔國劫遷幸以憂終豈聖壽
無疆長生久視乎以明皇之英睿而禍患屢至曾不
知者良由在位既久驕亢成性謂人莫己若謂諫不
足聽心玩居常之安耳熟諛諛之說內惑寵嬖外任
姦回典奉鬼神過崇妖妄今日見老君於閣上明日
見老君於山中大臣尸祿以將迎端士畏威而緘默
既惑左道即素正經民心用離變起倉卒當是之時
老君寧肯禦兵寶符安能排難邪今未能所爲或類
於此願陛下思漢武之雄材法先帝之英斷鑒明皇
之召禍庶幾災不生禍亂不作未幾能果敗夷又
嘗請減修寺度僧帝雖未用其言嘗令向敏中諭令
陳時政得失夷以納諫恕直輕徭薄斂四事爲言頗
施行焉仁宗卽位宰相請擇名儒以經術侍講讀乃
召爲翰林侍講學士知審官院判國子監修眞宗貢
錄丁父憂起復兼判太常寺及禮院三遷兵部侍郎
龍圖閣學士每講論至前世亂君亡國必反復規諷
仁宗意或不在書夷則拱默以俟帝爲然改聽書
書無逸圖上之帝施於講讀閣時章惠明肅皇后每
五日一御殿與帝同聽政夷言古帝王朝朝暮夕未
有曠日不朝陛下宜每日御殿以覽萬機奏禹中不
報然帝與皇太后尤愛重之每進見未嘗不加禮三
請致仕召對承明殿敦諭之以年踰七十固請泣下
帝亦惻然詔與馮元講老子三章各賜帛二百匹以
不得請求近郡優拜工部尚書復知兗州詔須宴而
後行又畱數月特宴太清樓近臣皆預帝作飛白大
字以賜二府而小字賜諸學生獨夷與吳迥兼賜大
小字詔羣臣卽席賦詩太后又別出禁中珍器勸酒

翌日喪入謝又命諱老子賜襲衣金帶銀鞍勒馬及行賜宴瑞聖園又賜詩詔近臣皆賦以恭謝恩改禮部尚書既而累表乞歸以太子少傅致仕疾甚徒正寢屏婢妾謂子瑜曰無令我死婦人之手卒奏至帝謂張士通曰朕方欲召夷遠而夷遠死矣嗟惜者久之罷朝一日贈左僕射諡曰宣夷性方重事親篤孝父亡紙其面以代類嘗最五經切於治道者為經典徵言五十卷又撰崇祀錄樂記圖五經節解五服制度書奉詔與邢昺杜鎬校定諸經正義莊子爾雅謬誤及律音義初閭丘無外建五郊從祀不設席尊不施幕七祠時饗飲福用一尊不設三登升歌不以雍徵冬至攝祀昊天上帝外級止十七位而不以星辰從饗先農在祈穀之前上丁釋奠無三獻宗廟不備二舞諸臣當謚者或既葬乃請夷皆援古奏正遂著於禮又請冬至罷祀五帝大考設五帝而罷祠昊天上帝事下有司議不合而止瑜官至工部侍郎致仕

王昭素

按宋史儒林王昭素傳昭素開封酸棗人少篤學不仕有志行為鄉里所稱常聚徒教授以自給李穆與弟肅及李憚皆常師事焉鄉人爭訟不詣官府多就昭素決之昭素博通九經兼究莊老尤精詩易以為王韓注易及孔馬疏義或未盡是乃著易論二十三篇開寶中穆薦之朝詔令赴闕見於便殿時年七十七精神不衰太祖問曰何以不求仕進致相見之晚對曰臣草野愚陋無以裨聖化賜生令講易乾卦召宰相薛居正等觀之至飛龍在天上曰此書豈可令常人見昭素對曰此書非聖人出不能合其象因訪

以民間事昭素所言誠實無隱上嘉之以衰老求歸鄉里拜國子博士致仕賜茶藥及錢二十萬畝月餘遣之年八十九卒於家昭素頗有人倫望初李穆兄弟從昭素學易常謂穆曰子所謂精理往往出吾意表又語人曰穆兄弟皆令器穆尤沈厚他日必至廊廟後果參知政事昭素每市物隨所言而還直未嘗論高下縣人相告曰王先生市物無得高取其價也治所居室有樸木橫門中夜有盜者挾門將入昭素覺之即自門中潛擲樸於外盜者慙而去由是里中無盜家有一瞽人多來假將出先問僮奴曰外無假瞽者予對云無然後出其為人純質若此子仁著亦有隱德

孔維

按宋史儒林孔維傳維字為則開封雍丘人乾德四年九經及第解褐東明鄆陵二主簿開寶中禮部再奏為考試官調滁州軍事推官太宗即位擢授太子左贊善大夫知河南縣通判滑州二州太平興國中就拜國子周易博士代還遷禮記博士七年使高麗王治問禮於維維對以君臣父子之道升降等威之序治悅稱之曰今日復見中國之夫子也九年判國學事遷熙寧初遷主客員外郎三年擢為國子司業賜金紫會將有事於籍田維起周禮至於唐書凡沿革制度並錄之以獻觀者稱其博又上書請禁原蠶以利國馬直史館樂史駁之曰管子云倉廩實知禮節衣食足知榮辱是以古先哲王厚農桑之業以其為衣食之原耳一夫不耕天下有受其饑者一婦不蠶天下有受其寒者故天子親耕后妃親蠶屈身以化

下者邦國之重務也吳都賦曰國賦再熟之稻鄉貢八蠶之綿則蠶之有原其來舊矣今孔維請禁原蠶以利國馬徒引前經物類同氣之文不究時事確實之理夫所市國馬來自外方涉遠馳驅虧其秣餉失於善視遂至元黃致斃之由鮮不以此今乃欲禁其蠶事甚無謂也唐朝畜馬具存監牧之制詳觀本書亦無禁蠶之文况近降明詔來年春有事於籍田是則勸農之典方行而禁蠶之制又下事相違戾恐非所宜臣嘗歷職州縣知利病編民之內貧蠶者多春蠶所成止充賦調之備晚蠶薄利始及卒歲之資今若禁其後圖必有因緣為弊滋彰曉亂民豈遑寧漢汗綵綸所宜重慎上覽之遂寢晚蠶之禁維復抗疏曰按周禮夏官司馬職禁原蠶者為傷馬也原再也天文辰為馬蠶書蠶為龍精月直大火則浴其種是蠶與馬同氣物莫能兩大故禁再蠶以益馬也又郭璞云重蠶為原今晚蠶也臣少親耕桑之務長歷州縣之職物之利害盡知之矣蠶蚩之氓知其利而不知其害故有早蠶之後重養晚蠶之繭出絲甚少再采之葉來歲不茂豈止傷及於馬而桑亦損矣臣自縣歷官路見坳野之地官馬多死若非明授典據助其畜牧安得享有舉陳故按本草注以蠶蠶塗馬齒則不能食草物類相感如此月令仲春祭馬祖季春享先蠶皆為天駟房星也為馬所福謂之馬祖為蠶所福謂之先蠶是蠶與馬同其類爾蠶重則馬損氣感之而然也臣謂依周禮禁原蠶為當上雖不用維言而嘉其援引經據以章付史館籍田畢拜國子祭酒淳化初兼工部侍郎二年卒年六十四維通經

銜準舊制舉九經一上中第即改科開寶中維論其事非便詔禮部自今九經同諸科許再赴舉太宗尹京日維爲屬邑吏頗以經術受知即位後維始升郎署自以通經求爲司業即以授之使外國者皆假服紫維自高麗還會東使至維自恥衣緋因求見上說言高麗使問臣復何罪降服臣無以對因泣下上憐之即賜以金紫及爲祭酒又奏言朝廷久不置此官少有知者臣之親戚故舊有書信來者多云祭酒郎中田敏晉朝任祭酒仍兼侍郎原循前例兼領是官庶獲美稱上從之然維神惡其儒者驟求無退讓之風嘗建議乞廣太學上以侵壞民舍不許受詔與學官校定五經疏義刻板行用功未及畢被病上遣太醫診視使者撫問初維私用印書錢三十餘萬爲掌事黃門所發維憂懼遽以家財償之疾遂亟上赦而不問維將終召其婿鄭革口授遺表以五經疏未畢爲恨景德四年錄其孫禹圭同學究出身

孔宜

按宋史儒林孔宜傳宜字不疑兗州曲阜人孔子十四世孫孔子生鯉字伯鯉生伋字子思伋生白字子上白生永字子家永生箕字子京箕生穿字子高穿生諱字子慎諱生耐字子魚以弟子騰爲嗣騰字子襄值秦難藏其家書於屋壁騰生正字季忠正生武武生延年及安國延年生霸字次焉漢昭帝時爲博士宣帝時爲大中大夫授皇太子經元帝即位賜爵關內侯號褒成君霸生福福生房房生均字長平好學有才爲尚書郎平帝元始元年封均爲褒成侯食邑二千戶追諡夫子爲褒成宣尼公王莽以均

爲太尉三以疾辭得還莽敗失國後漢世祖建武十四年復封均子志爲褒成侯諡元成志生損襲爵和帝永元四年徙封損爲褒亭侯損卒子曜嗣侯邑千戶子完嗣邑百戶完早卒無子以弟子羨襲爵羨仕魏爲議郎黃初二年封宗聖侯侯邑百戶羨生震晉武帝泰始三年徙封奉聖亭侯侯邑二百戶歷太常黃門侍郎震生寔寔生撫舉孝廉辟太尉掾歷豫章太守撫生懿懿生鮮有度量好學宋文帝元嘉十九年襲封奉聖侯侯鮮生秉博學有才藝後魏孝文延興初舉孝廉三年封秉爲崇聖大夫復十戶以供酒掃乘生靈珍襲爵歷祕書郎太和十九年改封崇聖侯侯邑百戶靈珍生文泰文泰生渠北齊文宣帝天保元年改封恭聖侯侯周宣帝大象二年追封孔子爲鄒國公以渠襲爵邑百戶渠生長孫隋文帝復封長孫爲鄒國公長孫生嗣哲應制舉歷涇州司兵參軍太子通事舍人大業四年改封紹聖侯侯邑百戶嗣哲生德倫唐太宗貞觀十一年封褒聖侯侯邑百戶朝會位同三品復其子孫則天天授二年賜德倫璽書衣服德倫生崇基襲侯中宗神龍元年授朝散大夫崇基生璵之元宗開元中歷國子四門博士郊王府文學蔡州長史二十七年詔追諡孔子爲文宣王改封褒聖侯璵之爲襲文宣公兼兗州長史璵之生萱襲封歷兗州泗水令萱生齊卿德宗建中三年詔以齊卿爲兗州司馬陷於東平卒至憲宗元和十三年平李師道其子惟晤歸魯詔以惟晤爲兗州參軍奉夫子祀復五十戶以供灑掃惟晤生策會昌元年歷國子監丞尚書博士大中元年宰相白敏中奏歲給封戶絹百

疋充春秋奉祀自璵之至策五世並襲封文宣公策生振懿宗咸通四年舉進士甲科歷兗州觀察判官至刑部員外郎振生昭儉歷兗州司馬曲阜令自策至昭儉三世歲給封絹以供享祀昭儉生光嗣哀帝天祐中爲泗水主簿奉孔子祀光嗣生仁玉九歲通春秋姿貌雄偉後唐明宗長興元年以爲曲阜主簿三年遷襲丘令襲文宣公晉高祖天福五年改曲阜令周高祖廣順二年平慕容彥超幸曲阜拜孔子廟及墓召仁玉賜五品服復以爲本縣令仁玉四子長曰宜舉進士不第乾德中詣闕上書述其家世詔以爲曲阜主簿歷黃州軍事推官還司農寺丞羣星子鎮市征宜上言星子當江湖之會商賈所集請建爲軍詔以爲縣就命宜知縣事後以爲南康軍宜代還獻文賦數十篇太宗覽而嘉之召見問以孔子世嗣因下詔曰素王之道百代所崇傳祚襲封抑存典制文宣王四十四代孫司農寺丞宜服勤素業砥礪廉隅歷官聯治聞政績聖人之後世德不衰俾登朝倫以光儒胃可太子右贊善大夫襲封文宣公復其家未幾通判密州太平興國八年詔修曲阜孔子廟宜貢方物爲謝詔褒之遷殿中丞雍熙三年王師北征受詔督軍糧涉拒馬河溺死年四十六子延世字茂先以父死事賜學究出身爲曲阜主簿歷閭長葛二令興宗至道三年十一月召赴闕以爲曲阜令襲封文宣公賜白金束帛及太宗御書印九經咸平三年詔本道轉運使本州長吏待以賓禮仍留三年卒官年三十八次曰憲太平興國二年進士及第至工部員外郎知浚儀縣次曰晃應城主簿次曰助雍熙

中進士及第延世子聖祐景德初始九歲特賜同學
究出身大中祥符元年東封泰山特賜聖祐衣綠陪
位授京官班後及還至兗州十一月幸曲阜謁孔
子廟行酌獻之禮孔氏宗屬並令陪位又幸孔林觀
其墓久之又御北亭召從臣觀古碑加諡孔子為至
聖文宣王追封孔子父叔梁紇齊國公母顏氏魯國
太夫人權聖祐為太常寺奉禮郎又錄其近屬進士
為同三傳出身習進士延祐聖學究延渥延魯延齡
並同學究出身共賜銀二百兩絹三百匹以充奉祠
廟時助為殿中丞通判廣州王欽若言其有聲於鄉
曲召赴闕改太常博士賜緋令知曲阜縣專主祠廟
二年三月又遣使賜太宗御書及九經書疏三史藏
於廟令本州選儒生講說聖祐後改大理評事天禧
五年授光祿寺丞襲封文宣公知仙源縣事後改名
佑還太子中舍卒年三十助為司封郎中延魯大中
祥符五年復舉進士及第從改名道輔為左司諫龍
圖閣待制自有傳

崔頌

按宋史儒林崔頌傳頌字敦美河南偃師人父協後
唐門下侍郎平章事頌幼喪母為外祖母所鞠養以
陸補河南府巡官歷開封主簿鄧州錄事參軍以疾
去官未幾詣闕上書言事宰相桑維翰覽而奇之擢
為左拾遺遷右補闕漢初加朝散階副右散騎常侍
張煦開錢俶為吳越王梁末協嘗使兩浙至是越人
美之贈賄甚厚及還值周祖入京師為軍士剽奪悉
盡世宗鎮道淵擇條佐頌與王朴王敏中皆中其選
以頌為觀察判官贈金紫世宗京拜司封員外郎

充判官以斷獄悞失罷職守本官即位拜駕部郎中
遷吏部復副尹日就使兩浙世宗讀唐元稹均田疏
命寫為圖賜近臣遣使均諸道租賦頌使兗州頗增
舊額恭帝嗣位改左議大夫宋初判國子監會重
修國學及武成王廟命頌總領其事建隆三年夏始
會生徒講說太祖遣中使以酒果賜之每臨幸國學
召頌與語因及經義頌應答無滯及郊祀以頌攝太
僕升車執綬上問以一時典禮頌對闕雅上甚重
之未幾坐請託有司為所覲求便官出為保大軍行
軍司馬乾德六年暴得疾卒年五十頌好談諧善筆
札受命書世宗諱開文當時稱其道屢為信釋氏賭
佛像必拜性多疑在鄆州官舍嘗名巧境者治堂室
以帛蒙其目人皆笑之子曉至太子右贊善大夫鹽
字文炳雍熙二年進士淹雅有士行累為屯田員外
郎開封三司戶部判官景德中雍王元份薨府官皆
坐黜時咸維為曹國公元儼府翊善上謂宰相曰元
儼年少尤資贊導維迂儒循默不能規戒聞崔嚙性
純謹以之代維庶有裨益因召對遷都官員外郎充
記室參軍賜金紫遷兵部郎中出知河中府轉太常
少卿將作監卒

尹拙

按宋史儒林尹拙傳拙穎州汝陰人梁貞明五年舉
三史調補下邑主簿攝本鎮館驛巡官後唐長興中
召為著作佐郎直史館遷左拾遺依前直史館加朝
散大夫應順初出為宣武軍掌書記檢校虞部員外
郎兼殿中侍御史清泰初加檢校駕部員外郎兼御
史大夫二年改檢校虞部郎中忠武軍掌書記晉天

福四年入為右補闕明年轉侍御史會詔拙與張昭
呂琦等同修唐史改倉部員外郎賜金紫八年遷左
司員外郎契丹入寇趙延壽鎮常山以拙為掌書記
漢初召為司馬郎中弘文館直學士周廣順初遷庫
部郎中兼太常博士仍充直學士奉使荆南還改兵
部郎中顯德初拜檢校右散騎常侍國子祭酒通判
太常禮院事與張昭同修唐應順清泰及周祖實錄
又與昭及田敏同詳定經典釋文丁憂免未初改檢
校工部尚書太子詹事判太府事遷祕書監判大理
寺乾德六年告老以本官致仕拙性純謹博通經史
周世宗北征命翰林學士為文祭白馬祠學士不知
所出遂訪於拙拙歷舉郡國祠白馬者以十數當時
服其該博開寶四年卒年八十一子季通至國子博
士

田敏

按宋史儒林田敏傳敏淄州鄒平人少通春秋之學
梁貞明中登科調補淄州主簿不令之任留為國子
四門博士後唐天成初改尚書博士賜緋滿歲為國
子博士上言諸四郊置齊官不報秩滿轉屯田員外
郎以詳明典禮兼太常博士建議請依春秋每歲藏
冰薦宗廟頌公卿如古禮奉詔與太常卿劉岳博士
段順路航李居浣陳觀等制定唐鄭餘慶書儀又詔
與馬鑑等同校九經改戶部員外郎郎賜金紫清泰初
遷國子司業晉天福四年授祭酒仍檢校工部尚書
兼倉部侍郎開運初遷兵部侍郎充弘文館學士
判館事議者以敏止可任學官宰相桑維翰聞之即
改授檢校右僕射復為祭酒漢乾祐中拜尚書右丞

判國子監周廣順初改左丞遣使契丹將歲路錢十萬貫止其侵剽契丹不許周祖將親郊命權判太常卿事世宗即位真拜太常卿檢校左僕射加司空顯德五年上章請老賜詔曰卿詳明禮樂博涉典墳爲儒學之宗師乃萬紳之儀表朕方資舊德以訪話言遂覽封章願致官政引年之制雖著舊文尊賢之心方深虛佇所請宜不允遷工部尚書俄再上表願歸故鄉以遂首丘之志改太子少保致仕歸潯州別墅恭帝即位加少傅開寶四年卒年九十二敏解官歸鄉有良田數十頃多釀美酒待賓客體強少疾徒步往來閭巷間不以杖每日親授諸子經自作父墓碑辭其質敏嘗使湖南路由荆渚以印本經書遺高從誨從誨謝曰祭酒所遺經書僕但能識孝經耳敏曰讀書不必多十八章足矣如諸侯章云在上不驕高而不危制節謹度滿而不溢皆至要之言也時從誨兵敗於郢故敏以此諷之從誨大慙敏雖篤於經學亦好爲穿鑿所校九經頗以獨見自任如改尚書盤庚若網在綱爲若網在綱重言綱字又爾雅榘木槿注曰日及改爲白及如此之類甚衆世頗非之子章至殿中丞

辛文悅

按宋史儒林辛文悅傳文悅者不知何許人以五經教授太祖幼時從其肄業周顯德中太祖歷禁衛爲殿前都點檢節制方面文悅久不獲接見一日夢遼車駕請見既拜乃太祖也太祖亦夢其來謁因令左右尋訪文悅果自至太祖異之及登位召見授太子中允判太府事開寶三年出知房州時周鄭王出居

是州上以文悅長者故命焉文悅後累遷至員外郎又有張道張文旦者嘗與太宗同學校太平興國中詣闕自言各起家爲主簿

李覺

按宋史儒林李覺傳覺字仲明本京兆長安人曾祖鼎唐國子祭酒蘇州刺史唐末避亂徙家青州益都鼎生瑜本州推官瑜生成字成熙性曠蕩嗜酒喜吟詩善琴弈書山水尤工人多傳秘其蹟周樞密使王朴將薦其能會朴卒鬱鬱不得志乾德中司農卿衡融知陳州聞其名召之成因挈族而往日以酣飲爲事醉死於客舍子覺太平興國五年舉九經起家將作監丞通判建州秩將滿州人借留留有詔褒之就遷左贊善大夫知泗州轉秘書丞太宗以孔穎達五經正義刊板詔孔維與覺等校定王師征燕薊命覺部京東諸州蜀糧赴幽州維薦覺有學遷禮記博士賜緋魚雍熙三年與右補闕李若拙同使交州黎桓謂曰此土山川之險中朝人乍歷之豈不倦乎覺曰國家提封萬里列郡四百地有平易亦有險固此一方何足云哉桓默然色沮使還久之遷國子博士端拱元年春初令學官講說覺首領焉太宗幸國子監謁文宣王畢升簾將出西門顧見講坐左右言覺方聚徒講書上即召覺令對御講覺曰陛下六龍在御臣何敢輒升高坐上因降簾令有司張幕設別坐召覺講周易之泰卦從臣皆列坐覺因述天地感通君臣相應之旨上甚悅特賜帛百匹俄獻時務策上頗嘉獎是冬以本官直史館石正言王禹偁上言覺但能通經不當輒居史職覺覺韓愈毛穎傳作竹穎傳

以獻太宗嘉之故寢禹偁之奏淳化初上以經書板本有田敏輒刪去者數字命覺與孔維詳定二年詳校春秋正義成改水部員外郎判國子監四年遷司門員外郎被病假滿詔不絕奉卒覺累上書言時務述養馬漕運屯田三事太宗嘉其詳備令送史館語見本志覺性強毅而聰敏嘗與祕閣校理吳淑等同考試開封府秋賦舉人語及算雉兔首足法覺曰此煩繁吾能易之及成果精簡淑意其宿製即試以別法皆能立就坐中皆歎服子有大中祥符五年進士爲祠部員外郎集賢校理

崔頤正

按宋史儒林崔頤正傳頤正開封封丘人與弟偁偁並舉進士明經術頤正雍熙中爲高密尉秩滿國子祭酒孔維薦之以爲國學直講遷殿中丞太宗召見令說莊子一篇賜錢五萬判監李至上言本監先校定諸經音疏其間文字訛謬尚多深慮未訓仁君好古誨人之意也蓋前所遣官多專經之士或遇春秋者未習禮記或習周易者不通尚書至於旁引經史皆非素所傳習以是之故未得周詳伏見國子博士杜鎬直講崔頤正孫奭皆苦心強學博貫九經問義質疑有所依據望令重加刊正冀除舛謬從之咸平初又有學究劉可名言諸經版本多舛誤真宗命擇官詳正因訪達經義者至方參知政事以頤正對曰朕官中無事樂聞講誦翌日召頤正於苑中說尚書大禹謨賜以牙排自是日令赴御書院待對說尚書至十卷頤正年老步履蹇求致仕上命坐問恤甚至賜器幣聽以本官致仕仍充直講改國子博士